

Vajtswv ib tug tubtxib saum CeebTsheel los cuag lawv, Vajtswv lub hwjchim ci ntsa iab los rau lawv, lawv poob siab, lawv ntshai kawg li.

Tiamsis tus tubtxib ntawd hais rau lawv hais tias, nej tsis txhob ntshai, rau qhov kuv koj txojmoo zoo los qhia rau nej. Thaum tej neeg hnov txojmoo zoo no lawm, sawvdaws yuav zoo siab kawg li.

Hnub no nej tus Cawmseej twb yug los rau hauv Daviv lub moos lawm, tus ntawd yog tus Khetos uas yog tus Tswv.

Nej yuav pom ib tug menyuum mos qhwv khaubncaws pw hauv ib lub dabzaub, nej yuav paub tseeb hais tias, tus ntawd yog tus uas kuv hais.

Tamsim ntawd, muaj ib pab tubtxib Ceebtsheel coob coob, los nrog tus tubtxib ntawd ua ke hu nkauj qhuas Vajtswv hais tias,

Cia li qhuas tus Vajtswv muaj koobmeej uas nyob saum ntuj Ceebtsheel. Thiab thov kom tej neeg ntiajteb txhua tus uas ua haum Vajtswv siab tau zoo nyob kajsiaib lug.

Thaum cov tubtxib rov qab mus saum Ceebtsheel lawm, cov neeg yug yaj ntawd sib tham hais tias,

Peb cia li mus tom lub moos Npelehees, mus saib tej uas tus Tswv qhia rau peb.

Lawv rau siab ntso mus txog tom moos, lawv pom tus menyuum pw hauv ib lub dabzaub, thiab pom Maivliag thiab Yauxej.

Thaum cov neeg yug yaj pom tus menyuum lawm, lawv qhia zaj uas tus tubtxib saum Ceebtsheel qhia rau lawv hais txog tus menyuum ntawd rau Maivliag thiab Yauxej nloog.

Thaum sawvdaws hnov zaj uas cov neeg yug yaj ntawd hais. Sawvdaws xav tsis thoob li. Maivliag cim ntsoov thiab khaws tej lus ntawd cia rau hauv nws nruab siab.

Thaum cov neeg yug yaj rov qab mus, lawv hu nkauj ua Vajtswv tsaug, rau qhov lawv twb hnov, thiab pom tej uas tus tubtxib qhia rau lawv lawm tiag. (Lukas 2:8-20)